



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Sacrosancti Et Oecvmenici Concilii Tridentini, Pavlo III.
Ivlio III. Et Pio IV. Pont. Max. celebrati, Canones Et
Decreta**

Tridentinum <1545-1563, Trient>

Coloniae, 1615

Regvla X.

urn:nbn:de:hbz:466:1-42415

obſervationes, quæ nauigationis agriculturæ, ſiue medicinæ artis iuuanda gratia, conſcriptæ ſunt.

REGVLA X.

In librorum, aliarumve ſcripturarum impreſſione ſeruetur, quod in Concilio Lateranenſi ſub Leone X. ſeſſione 10. ſtatutum eſt.

Quare ſi in alma vrbe Roma, liber aliquis ſit imprimendus, per Vicarium Summi Pöt. & ſacri palatii Magiſtrum, vel perſonis à Sãctiſſimo Domino Noſtro deputandas, prius examinetur.

In alijs verò locis ad Episcopum, vel aliũ habentem ſcientiam libri, vel ſcripturæ imprimendæ ab eodem Episcopo deputandũ, ac Inquiſitorem hæreticæ prauitatis eius ciuitatis, vel diœceſis, in qua impreſſio fiet, eius approbatio & examen pertineat, & per eorum manum propria ſubſcriptione gratis, & ſine dilatione imponendã, ſub pœnis & cenſuris in eodem decreto contentis, approbetur, hac lege & conditione addita, vt exẽplum libri imprimendi authenticum, & manu auctoris ſubſcriptum, apud Examinatorem remaneat.

Eos verò, qui libellos manuſcriptos vulgant, niſi ante examinati, probatiq; fuerint, eiſdem pœnis ſubiecti debere. iudicant Patres deputati, quibus impreſſores: Et qui eos habuerint, & legerint, niſi auctores proderint, pro auctoribus habeantur.

Ipla vero huiusmodi librorum probatio in ſcriptis detur, & in fronte libri, vel ſcri-

pti,

pti, vel impressi authenticè appareat, probatioque & examen, ac cætera gratis fiant.

Præterea in singulis ciuitatibus ac diocæsis, domus, vel loci, ubi ars impressoria exercetur, & bibliothecæ librorum venalium sæpius visitentur, à personis ad id deputandis ab Episcopo, siue eius Vicario, atque etiã ab Inquisitore hæreticæ prauitatis, vt nihil eorum quæ prohibentur, aut imprimatur, aut vendatur, aut habeatur.

Omnes verò librarij & quicumque librorum venditores, habeant in suis bibliothecis indicem librorum venalium, quos habent cum subscriptione dictarum personarum, nec alios libros habeant, aut vendant, aut quacunque ratione tradant sine licentiâ eorundem deputandorum, sub pœna amissionis librorum, & alijs arbitrio Episcoporum, vel inquisitorum imponendis, emptores vero, lectores vel impressores, eorundem arbitrio puniantur.

Quod si aliqui libros quoscunque, in aliquam ciuitatem introducant, teneantur ipsidem personis deputandis renunciare, vel si locus publicus mercibus eiusmodi constitutus sit, ministri publici eius loci prædictis personis significant, libros esse adductos.

Nemo vero audeat, librum, quem ipse, vel alius in ciuitatem introduxit, alicui legendum tradere, vel aliqua ratione alienare, aut commodare, nisi ostenso prius libro, & habita licentiâ à personis deputandis, aut nisi notoriè constet, librum iam esse omnibus permissum.

Idem quoque seruetur, ab hæredibus, & exequutoribus vltimarum voluntatum, vt libros à defunctis relictos, siue eorum indicem, illis personis deputandis offerant, & ab ijs licentiam obtineant, priusquam eis vendatur, aut in alias personas, quacunque ratione eos transferant.

In his autem omnibus & singulis, pœna statuatur, vel amissionis librorum, vel alia, arbitrio eorundem Episcoporum, vel Inquisitorum, pro qualitate, contumaciæ, vel delicti.

Circa verò libros, quos Patres deputati, aut examinarunt, aut expurgarunt, aut expurgandos tradiderunt, aut certis cõditionibus, vt rursus excuderentur, concesserunt, quidquid illos statuisse constiterit, tam bibliopola, quam cæteri obseruent.

Liberum tamen sit Episcopis, aut inquisitoribus generalibus, secundum facultatem quam habent, eos etiam libros, qui his Regularis permitti videntur, prohibere, si hoc in suis regnis, aut prouincijs, vel diocesisibus expedire iudicauerint.

Cæterum nomina, cum librorum, qui à Patribus deputatis purgati sunt, tum eorum quibus illi hanc prouinciam dederunt, eorundem deputatorum Secretarius. Notario sacra vniuersalis Inquisitionis Romanæ descripta, Sanctissimi Domini nostri iussu tradidit.

Ad extremum verò, omnibus fidelibus præcipitur, ne quis audeat cõtra harum Regularum præscriptum, aut huius Indicis prohibitionem, libros aliquos legere, aut habere.

Quod

Quod si quis libros hæreticorum, vel cuius auctoris scripta, ob hæresim, vel ob falsi dogmatis suspicionem damnata, atque prohibita, legerit, siue habuerit, statim in excommunicationis sententiam incurrat.

Qui vero libros, alio nomine interdiktos legerit, aut habuerit, præter peccati mortalis reatum quo efficitur, iudicio Episcoporum seuerè puniatur.

OBSERVATIO

Circa quartam Regulam.

A Nimaduertendum est circa supra scriptam quartam regulam Indicis sel. rec. Pij Papæ 4. nullam per hanc impressionem, & editionem de nouo tribui facultatē Episcopis, Inquisitoribus, aut Regularium Superioribus, cōcedendi licentiam emendi, legendi, aut retinendi Biblia vulgaris lingua edita, cum hætenus mandato, & vlti Sanctæ Romanæ & vniuersalis inquisitionis sublata eis fuerit facultas concedendi huiusmodi licentias legendi, vel retinendi Biblia vulgaris, aut alias sacra scripturae noui quam veteris testamenti partes, quæuis vulgari lingua editas; ac insuper summaria & compendia etiam historica eorundem Bibliorum, seu librorum sacrae scripturae, quocunque vulgari idiomate conscripta; quod quidem inuiolate seruandum est.

Circa nonam Regulam.

Circa Regulam nonam eiusdem Indicis, ab Episcopia, & Inquisitoribus Christi-

fide-